

四庫全書

史部

欽定四庫全書

史部

續資治通鑑長編卷二十九

詳校官檢討臣劉錫五

刑部郎中臣許兆椿覆勘

纂修官編修臣厲守謙

謄錄監生臣任溥

謄錄貢生臣程廷璉

欽定四庫全書

續資治通鑑長編卷十九

宋 李燾 撰

太宗

太平興國三年春正月北漢主遣其子續質於契丹納重幣以求援

庚寅鄆州言殿直霍瓊稱詔至所部募兵而與所募兵
故部民劉凝家財上令櫨車送至闕按得實皆腰斬於

都市

甲午雅州西山野川蠻首領馬令膜等十四人來朝貢
令絳州浚汾河京西轉運使程能獻議請自南陽下向
口置堰回白河水入石塘沙河合蔡河達於京師以通
襄潭之漕上壯其言而聽之戊戌詔發唐鄧汝潁許蔡
陳鄭丁夫及諸州兵凡數萬人以弓箭庫使陽武王文
寶六宅使李繼隆內作坊副使李神祐劉承珪等護其
役墾山堙谷歷博望羅渠小祐山凡百餘里踰月抵方

城地高水不能致又增役人以致水然終不可通漕會
山水暴漲石堰壞河不克就卒廢焉承珪山陽人也
己亥西京右軍廵使光祿寺丞李之才除名為民永不
齒叙坐與布衣李承端攜酒入宮殿中聚飲為巡檢所
奏按得實故也

庚子詔罷陳州城北蔡河所置鑠先是藩鎮率於津渡
私補吏置鑠以算民船船勝百石者稅取百錢有所載
則倍其征商旅甚苦其事至是陳州以聞遽詔罷之具

後瀕河諸州復置鎣如故

辛丑發近縣丁夫浚廣濟惠民河及蔡河分遣使督之
又分遣使十七人治黃河隄以備水患

丁未又發卒千人浚汴口

己酉命翰林學士李昉等修太祖實錄直學士院湯悅

等修江表事迹

案原本作李昉等修江表事迹據宋史李昉修太祖實錄湯悅修江表事迹今改正

庚戌趙州刺史韋韜為右千牛衛將軍坐巡邊不謹也

韻韜巡邊
不謹當考

辛亥命近臣禱雨於京城寺觀祠廟後二日雨足又遣使分賚焉

秦州內屬三族戎人等數寇邊癸丑詔悉赦其罪自今
敢復肆侵掠者吏捕之寘於法不須以聞 令川陝諸
州犯罪當贖者每銅一斤輸鐵錢四百八十

建隆初三館所藏書僅一萬二千餘卷及平諸國盡收
其圖籍惟蜀江南最多凡得蜀書一萬三千卷江南書
二萬餘卷又下詔開獻書之路於是天下書復集三館

篇帙稍備自梁氏都汴貞明中始以今右長慶門東北
小屋數十間為三館湫隘纔蔽風雨周廬徼道出於其
側衛士騎卒朝夕喧雜每諸儒受詔有所論譏即移於
它所能成之上初即位因臨幸周覽顧左右曰若此
之陋豈可蓄天下圖籍延四方賢俊耶即詔有司度左
升龍門東北舊車輶院別建三館命中使督工徒晨夜
兼作其棟宇之制皆親所規畫自經始至畢功臨幸者
再輪奐壯麗甲於內庭二月丙辰朔詔賜名為崇文院

西序啓便門以備臨幸盡遷舊館之書以實之院之東廊為昭文書南廊為集賢書西廊有四庫分經史子集四部為史館書六庫書籍正副本凡八萬卷策府之文煥乎一變矣 辛鄭國公主第賜駙馬都尉王承衍銀器萬兩錦綵五十疋又賜其子世隆銀百兩帛百疋

丁巳詔州縣官批書南曹所給歷子敢漏一事者殿一選三事者降一資雖所部無其事令式所合書者亦著其無以相參驗從判吏部南曹董淳之請也淳附文苑傳無邑里

癸亥秦州言戎人寇邊三陽寨使陳欽壽率戍兵擊走之
有司言昌州歲收虛額鹽一萬八千五百餘斤乃開寶
中知州李佩率意掊斂以希課最廢諸井薪錢於歲額
外別課部民煮鹽民不習其事甚以為苦雖破產不能
償其數多移徙它郡戶口日減轉運使以聞而積年之
征不可遽免欲均於諸州作兩稅錢米輸官上曰若此
為患一也甲子詔悉除之其七井舊額二萬七千七百
六十斤仍勒井戶煮焉

丙寅泗州錄事參軍徐壁棄市坐掌本州倉受民租與
牙校高貴為姦賊取民賄而免其租入以虛券給之事
發壁及貴並抵法文黨皆杖脊配隸遠惡處

辛未上辛西綏錦院命近臣觀織室機杼還辛崇文院
觀書恣親王宰相檢閱問難復召劉鋹李煜令縱觀上
謂煜曰聞卿在江南好讀書此中簡策多卿舊物近猶
讀書否煜頓首謝因賜飲中堂至醉而罷

以吳越王俶將至癸酉命四方館使梁迥往淮西迎勞

之

己卯秦州言戎人寇床讓寨監軍任德明率戍兵擊走之梟戎首數十級以徇

甲申詔西北邊內屬戎人多齎貨帛於秦階州易換銅錢出塞銷鑄為器自今嚴禁之吏民敢闖出銅錢百以上論罪有差 太平興國初詔以卒三萬五千人鑿池引金水河注之於是臨幸賜役卒人各千錢布一端遂

名池曰金明

本紀云是月始穿池誤也始賜名耳

三月己丑以吳越王俶將至遣其子鎮海鎮東節度使
惟濬至宋州迎省

初平江南太祖以周惟簡為國子博士惟簡先有願隱
終南之言不得已乃上書述前志求解官改虞部郎中
致仕惟簡實非本心又無祿養上即位自東南至闕下
求入見有司以致仕官非有詔召無求對之制於是惟
簡擊登聞鼓上表復求出仕壬辰授以故官士論薄之
中書令史習元吉盜印矯發近臣書於兩浙邸院取絹

綵百七十疋丙申杖殺之
寧州言蕃部寇邊巡檢使
耿仁思擊走之
殿直武裕統兵戍海門於所部恣為
姦贓詔容州鞫實嶺南轉運使周渭杖殺之

壬寅秦州言戎人寇八狼寨殺掠吏民巡檢使劉崇讓
率戍兵擊走之擒其帥王寧珠梟首以徇

癸卯殿前都虞候泰寧軍節度使贈侍中李重勲卒重
勲與太祖同事周祖謹厚無矯飾太祖甚重之故擢委
兵柄始終無易
吳越王俶又先遣平江節度使孫承

祐入奏事上優禮之乙巳即命承佑護諸司供帳勞餽
於近郊又命齊王廷美宴餽於迎春苑己酉餽見於崇
德殿寵賚甚厚即日賜宴於長春殿餽僚佐崔仁冀黃
夷簡等皆預坐 慶州言知州慕容德豐擊破韓裕勒族
戎人俘獲千計德豐延劖子也居慶州凡九年以肅靜
為治邊人安之 秦州都巡檢使田仁朗襲殺蕃部千
餘口焚族帳二十餘所獲馬百五十匹牛羊三千餘口
詔褒之此據別本實錄乃三月二十三日事四月末
奏到京附三月末本紀在六月末今不取

戊申以閑廄使閻門祇候陳從信為左衛將軍充樞密院承旨翰林使程德元為東上閭門使兼翰林司公事御厨副使王延德為御厨使供奉官喬斌斌未見副之軍器庫副使陳贊為西綾錦使供奉官張易易未見阜城王繼昇並為軍器庫副使趙俊俊未見為鞍轡庫副使惠延真真未見為弓箭庫副使大名柴禹錫為翰林副使清池弭德超為酒坊副使自從信而下皆嘗給事藩邸以舊恩進用也

夏四月乙卯朔召華山道士真源丁少微至闕少微善服氣年百餘歲隱居二華潼谷中與陳搏齊名搏亦真人然少微志尚清潔專奉科儀搏嗜酒放曠雖居室密邇未嘗往來少微以金丹巨勝南芝玄芝等獻上留

數月遣還

少微獻金丹巨勝等乃四年九月復來朝時事今并書之

丙辰令民二月至九月無得採捕蟲魚彈射飛鳥違者

重寘其罪

與建隆二年二月詔書畧同犯者有刑為不同耳

戊午秦隴州巡檢周承璠言戎人八百騎突厥門寨率

所部兵擊走之卒九人不用命悉腰斬於境上

壬戌復宴吳越王倣於崇德殿

庚午辛酉染院賜工徒衣服錢帛

甲戌詔分京西轉運司為二孟滑衛陳潁許蔡汝等州以轉運使程能統之襄均房復郢金隨安鄧唐等州及信陽軍以副使趙載統之

乙亥初置諸道轉運判官

丙子改嶺南監州為鷄州尋廢

己卯平海節度使陳洪進用其幕僚南安劉昌言之計
上表獻所管漳泉二州得縣十四戶十五萬一千九百
七十八兵一萬八千七百二十七

已卯四月二十五日
用幕僚計此據大定

錄其詳
未聞

庚辰懷州言河決獲嘉縣 幸城南觀刈麥

辛巳斬侍御史趙承嗣坐監鄭州市征與吏為姦隱沒
官錢巨萬計人有告者詔鞫之得其實有司言法當絞
上特命斬之并吏七人皆斬於市仍詔諸道轉運使布

告州縣以儆羣吏揭于所居官舍之壁

癸未以陳洪進為武寧節度使同平章事洪進于前漳

州刺史文顥為房州刺史前順州刺史文頊為登州刺

史尋復以平海節度副使文顥為通州團練使仍知泉

州泉州衛內都指揮使文顥為滁州刺史仍知漳州

文顥

除官在戊子今并書之

五月乙酉朔御乾元殿受朝德音赦漳泉管內給復一

年初吳越王俶將入朝盡輦其府實而行分為五十

進犀象錦綵金銀珠貝茶綿及服御器用之物逾鉅萬
計倣意求反國故厚其貢奉以悅朝廷宰相盧多遜勸
上留倣不遣凡三十餘進不獲命會陳洪進納土倣恐
懼乃籍其國兵甲獻之是日復上表乞罷所封吳越國
及解天下兵馬大元帥之職寢書詔不名之制且求歸
本道上不許倣不知所為崔仁冀曰朝廷意可知矣大
王不速納土禍且至倣左右爭言不可仁冀厲聲曰今
已在人掌握中去國千里惟有羽翼乃能飛去耳倣獨

與仁冀決策遂上表獻所管十三州一軍上御崇元殿受朝如冬正儀倣朝退將吏僚屬始知之千餘人皆慟哭曰吾王不歸矣凡得縣八十六戶五十五萬六百八兵十一萬五千三十六

丙戌詔免荆湖南路轉運使崔憲仍削三任副使許竒除籍為民奪先所賜錢五十萬坐罷軟不勝臨事稽留不決廉得實而有是命憲相州人也 命考功郎中范是權知兩浙諸州事左贊善大夫侯陶著作佐郎崔繼

宗檢閱兩浙諸州錢帛刑部郎中楊克讓充兩浙西南
路轉運使宗正丞趙齊副之祠部郎中河南劉保勲充
兩浙東北路轉運使右拾遺鄭驥副之右衛將軍太原
侯贊按行兩浙諸州軍儲芻茭糧廩左贊善大夫孟貽
孫通判兩浙事吳初自淮南歸朝上謂曰江淮之間輦
運相繼實我倉廩卿之功也吳曰唐貞元中淮南歲輸
米才十萬石今每歲輦運倍於貞元上曰知爾勤績將
用為翰林學士盧多遜言杭州初復非吳不可治上乃

謂旻曰卿且為朕行即當召卿矣錢氏據兩浙逾八年外厚貢獻內事奢僭地狹民衆賦歛苛暴雞魚卵菜纖悉收取斗升之逋罪至鞭背每笞一人則諸按吏人各持其簿列于庭先唱一簿以所負多少量為笞數笞已次吏復唱而笞之盡諸簿乃止少者猶笞數十多者至五百餘訖于國除民苦其政旻既至悉條奏請蠲除之詔從其請

丁亥徙封錢俶為淮海國王以其子鎮海鎮東節度使

惟濬為淮南節度使奉國節度使惟治為鎮國節度使平江節度使孫承祐為泰寧節度使威武節度使沈承禮為安化節度使浙江西道鹽鐵副使崔仁冀為淮南

節度副使

仁冀之除在戊申今并書于此

戊子德音赦兩浙管內諸州給復一年

癸巳遣左補闕李吉使契丹通事舍人薛文寶副之

王據

文寶傳恐此非薛然王亦不為通事舍人當考

乙未占城國遣使來貢方物

士寅夏州言定難節度使李克叡卒其子衡內指揮使繼筠權知州事乙巳以繼筠為定難留後 殿前都指揮使鎮寧節度使楊信初掌兵即瘡不能言至是寢疾瘡忽愈上遽幸其第視之信自叙遭逢涕泗橫集且叩頭乞嚴邊備上慰勉之賜資甚厚翌日信卒優詔贈侍中 初秦州節度判官李若愚有子曰飛雖凶險無行不為其家所容常客游京師魏博間與無賴惡少年縱酒蒱博以若愚官秦州盡知其府庫倉廩所有及地形

險易兵籍多少而鳳翔盩厔尉張季英者飛雄妻父也
飛雄自京師往省季英竊乘其馬詐為使者夜抵廄呼
置卒索馬卒秉炬出飛雄復以私市馬纓示之卒不能
辨纓即授以馬飛雄令一卒前導遂矯稱制以巡邊為
名掠巡驛殿直姚承遂至隴州掠監軍供奉官王守定
至吳山縣掠縣尉盧贊皆令從行時秦州內屬戎人為
寇都巡檢使周承瑨與田仁朗仁朗亦秦州都巡檢使事見三月末劉文
裕文裕太平興國二年以内弓箭庫副使出為秦隴巡檢王侁侁前以東頭供奉官加閣門祇候未

知今為梁崇贊崇贊未見韋韜馬知節知節前為西頭供奉官等皆受

崇贊

知節前為西頭供奉官

等皆受

詔屯兵清水縣於四月庚辰飛雄至清水矯制盡縛之承瑨等見姚承遂數輩同至不覺其詐仁朗獨號泣求觀詔書飛雄怒叱曰吾受密旨以汝輩逗撓不用命且令盡誅汝輩豈不聞封州殺李鶴耶詔書豈得見也先是上即位分命親信於諸道廉官吏善惡密以聞嶺南使者言知封州李鶴不奉法誣奏軍吏謀反詔誅之不問狀故飛雄以為言將以承瑨等詣秦州戮之因謀劫

守卒據城為亂飛雄初矯稱制自言上南府時親吏會
劉文裕哀告飛雄曰我亦嘗事晉邸使者忍不營救之
乎飛雄屏左右謂文裕曰汝能與我同富貴否文裕覺
其詐偽許之飛雄乃釋其縛文裕策馬前附耳語仁朗
仁朗即佯墜馬若殞絕狀飛雄與從卒共視之又釋其
縛仁朗奮起搏飛雄與文裕等共擒之飛雄尚呼云田
仁朗等謀反殺使者既而繫秦州獄劾之具得其狀有
詔夷其三族并捕先與飛雄善者何大舉等數輩悉誅

之及姚承遂等皆腰斬於秦州市先授飛雄馬廐置卒亦夷其族文裕保塞人也

馬知節傳云知節先辨飛雄之詐因語文裕與文裕傳不

同當考是月戊申以飛雄事布告天下令中外臣庶家子

弟或懷兇險有幸檢率屢加教戒曾不悛改許具尊長

聞於州縣銅送闕下當配隸遠惡處容隱不以聞者朞

功以上親坐之六月戊辰詔自今乘驛者皆給銀牌先

是五代以來庶事草創凡乘驛奉使於外但樞密院給

牒至是以飛雄故始復舊制焉

上注意治本深懲賊吏已已詔自太平興國元年十月
乙卯以後京朝幕職州縣官犯賊除名配諸州者縱逢
恩赦所在不得放還已放還者有司不得叙用

壬申韶州言准詔訪唐相張九齡事迹得其畫像及文
集九卷獻之

乙亥宋州言汴河決寧陵縣詔發宋亳丁夫四千五百
人塞之命西上閭門使郭守文護其役又發畿內丁夫
三千二百人塞汴口以判四方館事梁迥董之

丙子遣蕃僧滿珠錫哩歸其國天竺之法國王死太子襲其位餘子皆出家為僧不復居國中滿珠錫哩者中印土王子也聞寶中來至中國太祖詔令館於相國寺善持律都人歸向施財盈室衆僧頗嫉之以其不解華言即偽為奏請歸既得請始驚恨衆僧諭以上意不得已遲留數月乃去自言詣南海附賈人船以往竟不知所終云實錄云不解唐言此蓋承襲前史舊文宋主天下何唐之有今改稱華言詔廣南縣五百戶以下者止置主簿一員兼令尉事

秋七月乙酉朔以振武節度使殿前都虞候白進超為
殿前副都指揮使進超馬邑人初無灼然戰功徒以小
心謹密撫士卒故致將帥焉 賦武寧節度使陳洪進
銀萬兩令市宅 詔七夕嘉辰著於甲令今之習俗多
用六日非舊制也宜復用七日

壬辰贈太師吳王李煜卒上為輶朝三日初鄭彥華之
子文寶仕煜為校書郎歸朝不復叙故官煜時在環衛
文寶欲一見慮守者難之乃披蓑荷笠為漁者既得入

因說煜以聖主寬宥之意宜謹節奉上勿為他慮議者歎其忠

先是李飛雄敗逮捕李氏親黨右贊善大夫李若拙與飛雄父若愚以同宗欵晤又連名上疑其昆弟及鞠之乃故與若愚通家非其親且不知謀得免於戮丁酉削籍流沙門島若拙萬年人也 中元節張燈詔有司於

淮海王倅第前設燈山陳聲樂以寵之

江休復雜誌進
錢買燈蓋此事

也休復誤以為上
元已見乾德五年

丁未以廬州無為監為無為軍

庚戌改明德門曰丹鳳門 中書令史李知古受賊擅
改刑部所定法出罪人為所訴鞫得實壬子杖殺之刑
房吏孫甫坐免官

八月癸丑朔詔以冬至有事於南郊

丙辰詔諸道轉運司指揮所屬州府自八月一日後吏
民所犯並論如法不在恩赦之限 詔兩浙發淮海王
倅總麻以上親及管內官吏悉歸闕凡舟千四十四艘

所過以兵護送之

丁卯著作佐郎盧佩棄市佩監昇州酒轉運使樊若冰
劾其姦賦詔勅之具伏前後所受賦錢一百九十貫遂
抵於法

辛未兗州蠻任朗政等來貢方物 初淮海王俶入朝
命具子鎮國節度使惟治權知吳越國事一夕廡中火
惟治率兵臨高下視令親信十數革仗劍申令敢後顧
者斬頃之火息妻族有隸帳下者恃親犯法惟治命杖

背於府門於是惟治悉奉兵民圖籍帑廩管籥授知杭

州范旻與其弟惟演惟灝等皆赴闕詔遣內侍護諸司供帳迎勞於近郊壬申對於長春殿各賜衣帶鞍馬器

幣

惟治自奉國改領鎮國乃五月事此時未入朝也本傳載之入朝後誤矣今不取

癸酉杖殺詹事府丞徐遷坐督曹濮州軍儲受賊不法為館驛吏所訴鞫之得實故也

甲戌羣臣奉表上尊號曰應運統天聖明文武凡三上許之上先詔權罷貢舉復恐場屋間有留滯者乃詔

諸州去年已得解者除三禮三傳學究外餘並以秋集
禮部

九月甲申朔上御講武殿覆試合格人進士加論一首
自是常以三題為準得渤海胡旦以下七十四人己酉
得諸科七十人並賜及第始賜宴於迎春苑授官如二
年之制故事禮部唯春放榜至是秋試非常例也 詔
自今廣文館及諸州府禮部試進士律賦並以平側依

次用韻

己亥改杭州衣錦軍為順化軍

壬子以布衣張遁為開封府襄邑縣主簿張文旦為澶州濮陽縣主簿上徵時嘗與遁等同肄業鄉校至是詣闈自言故有是命

冬十月癸丑朔契丹遣太僕卿耶律諧理茶酒庫副使王琛來賀乾明節

甲寅高麗國王袖遣使來貢方物及兵仗

庚申辛武功郡王德昭第因辛齊王廷美府賜廷美銀

萬兩絹萬疋德昭及興元尹德芳賜各有差還召近臣
契丹使宴苑中 司農寺丞孔宜知星子縣回獻所為
文上召見問以孔氏世嗣擢右贊善大夫襲封文宣公
辛酉詔免襲封文宣公家租稅先是歷代以聖人之後
不預庸調周顯德中遣使均田遂抑為編戶至是孔氏
訴于州州以聞上特命免之

宜襲封據會要在三年十月免租稅前今附見

巴滑州言靈河縣決河已塞復決命西上閭門使郭
守文等率徒塞之

守文護役在十二月今井書之守文同王仇石振護役今止書其長一人

庚午畋近郊

澧州民訴賊不實刺史趙彥韜殺之剖其心肝民家詣闕訴其事癸酉彥韜坐杖脊配隸淮西禁錮
契丹使耶律諧理等辭歸國詔供奉官閭門祇候王侁送至境上送伴使蓋始此

乙亥斬駙捷卒徐素等三人坐誣告指揮使戎希萼私習天文災異不實故也詔賜希萼紫袍銀帶金帛以慰之
杭州送錢俶伶人凡八十有一人詔付教坊肄習

尋以三十六人還杭州四十五人賜餗

實錄于辛巳書云詔兩浙所送

淮海國王伶人馬安國等百餘人俾教坊肄習之與
似本傳不同今從似傳若如實錄所云則不足記也

上初即位幸左藏庫視其儲積語宰相曰此金帛如山

用何能盡先帝每焦心勞慮以經費為念何其過也薛

居正等聞上言皆喜於是分左藏北庫為內藏庫并以

講武殿後封椿庫屬焉改封椿庫為景福內庫

置內藏庫實錄

不書按職官食貨志及會要等云在此年十月因附見其事初太祖別置封椿庫嘗密謂近臣曰石晉苟利於已割幽薊以賂契丹使一方

之人獨限外境朕甚憫之欲俟斯庫所蓄滿三五十萬即遣使與契丹約苟能歸我土地民庶則當盡此金帛充其贖直如曰不可朕將散滯財募勇士俾圖攻取耳

會晏駕不果

王曾華記云左藏北庫即封椿庫太宗改名左藏北庫後改名內藏庫按內藏庫實

分左藏北庫為之非封椿庫也而封椿庫別改名景福內庫并屬內藏疑王曾悞矣封椿庫但藏每歲國用羨餘之數亦安得十數年間金帛遂如山乎金帛如山固當是左藏北庫蓋借偽儲蓄並入左藏其北庫金帛山積宜也王曾云借偽儲蓄悉入封椿政緣誤指左藏北庫即為封椿庫耳又按宋敏求東京記云國初置景福內庫太平興國三年改名內藏相對有封椿庫景德四年賜名內藏西庫別有景福殿庫隸焉敏求以內藏庫

即景福庫與國史不同或敏求誤所云封祿庫則是真宗時別以新衣庫為之者非王曾所記太祖時封祿庫也別有景福殿庫亦祿左藏既云別有又恐非太宗所改景福內庫矣然職官志載內藏庫在銀臺門外又有西庫景福殿庫祿馬與敏求所記蓋同今但以食貨志為據更俟詳考

十一月丁亥遣供奉官閣門祗候吳元載太常寺太祝毋賓古為契丹賀正使元載延祚之子也母賓古即勸王欽若蠲除欠負者當考其邑里

己未親享太廟

丙申合祭天地於南郊御丹鳳樓大赦受冊尊號於乾

元殿國初以來南郊四祭及感生帝皇地祇神州凡七
祭並以四祖迭配上即位但以宣祖太祖更配於是合
祭天地始奉太祖升侑焉殿直王操獻南郊頌上悅之
召問曰汝在江南與誰等操曰與張洎同上問洎今為
何官左右對曰太子中允已酉即以操為太子中允
令開封府訪義居孝行年八十已上者臨見之 初閻
門祗候王侁使靈州通遠軍還言主帥所用牙兵率桀
黠難制慮歲久生變請一効代之上因遣侁調發內郡

卒往代戍卒聞當代多願留侁察其中有旅拒者斬以

徇卒皆惕息遂將以還

此事實錄本記皆無之據侁傳云送契丹使至境上還即為此

行今按實錄侁送契丹使至境上在此年十月乙亥而十二月戊寅又復命侁與郭守文同護靈河之役則侁往西邊當在十一月前後也今附見於此傳又云侁一歲中往來西邊多奉使宜頤聽用所云一歲中者蓋通先在清水時事言之也

鹽鐵戶部度支三司所掌凡二十四案吏千餘人上慮使副判官督察有所不及而商稅酒麴末鹽四案最為繁劇十二月丙辰各置推官命左贊善大夫張仲容等分領之

諸案尋皆置推官或置巡官皆以京朝官充

乾德中左補闕薊人宋琪為開封府推官上時尹京初
甚加禮遇琪與宰相趙普樞密使李崇矩善多遊其門
上惡之白太祖出琪知隴州移閬州上即位由護國節
度判官召赴闕程羽賈琰先自府邸攀附至顯要琪為
所中久不得調丁巳上召見詰責琪拜謝請悔過自新
乃授太子洗馬

乙丑辛講武臺觀飛山軍人發機石射連弩上將伐北

漢先習武事也

庚午臘有司請備冬狩之禮上從之因謂左右曰老子云馳騁畋獵令人心發狂夏書曰外作禽荒為人上者不得不戒歷觀前代多惑於此而至喪敗朕今順時蒐狩為民除害非敢以為樂也

甲戌改永興軍為興國軍

戊寅契丹遣使蕭巴固濟等來賀來年正

是冬諸州貢舉人並集會將親征河東罷之自是每間

一年或二年乃置貢舉初陳洪進納土上即命其子文顯知泉州議擇能臣闢掌州事殿中丞南頓喬惟岳方居父喪詔起維岳為通判維岳始至會仙遊莆田百丈草寇乘虛嘯聚十餘萬來攻城城中兵纔三千勢甚危急監軍何承矩王文寶欲屠其城燔府庫而遁維岳抗議以為朝廷任以綏遠之寄今惠澤未遍盜賊連結反欲屠城焚庫豈詔意哉承矩等因復堅守時兩浙西南路轉運使楊克讓在福州遂率屯兵往救之圍既解

監軍軍器副使王繼昇率精兵二百騎夜出追擊悉擒
其魁首械送闕下草寇悉平承矩繼筠之子也

此事未
知的在

何時今附見
是年之末

是歲初置文思院

本志在六年今從會要李至十
朝綱要是歲行太平興國編初

欽定四庫全書

續資治通鑑長編卷二十

宋 李燾 撰

太宗

太平興國四年春正月丁亥以右補闕石熙載為兵部員外郎樞密直學士 命太子中允直舍人院張洎著作佐郎直史館華陽勾中正使高麗

上初即位謂齊王廷美曰太原我必取之及議致討召

樞密使曹彬問曰周世宗及我太祖皆親征太原以當時兵力而不能克何也豈城壁堅完不可近乎彬對曰世宗時史超敗於石嶺關人情震恐故師還太祖頓兵甘草地中軍人多被腹疾因是中止非城壘不可近也上曰我今舉兵卿以為何如彬曰國家兵甲精銳人心忻戴若行弔伐如摧枯拉朽耳何有不可哉上意遂決宰相薛居正等曰昔世宗起兵太原倚北敵之援堅壁不戰以至師老而歸及太祖破敵於鴈門關盡驅其人

民分布河洛之間雖巢穴尚存而危困已甚得之不足以闢土舍之不足以為患願陛下熟慮之上曰今者事同而勢異彼弱而我彊昔先帝破此敵徙其人而空其地者正為今日事也朕計決矣卿等勿復言乃先遣常參官分督諸州軍儲赴太原庚寅以宣徽南院使潘美為北路都招討制置使河陽節度使崔彥進攻其城東面彰德節度使李漢瓊城南面桂州觀察使曹翰城西面彰信節度使劉遇城北面遇以次當攻其西面而西

面直北漢主宮城尤險惡翰欲與遇易地自言我觀察使班宜在節度使下遇弗可翰必欲易之議久不決上慮將帥不協乃諭翰曰卿智勇無雙城西面非卿不能當也翰始奉詔八作使郝守濬充西面壕寨都監馬軍都虞候米信步軍都虞候田重進充行營馬步軍都指揮使西上閭門使郭守文判四方館事順州團練使梁迥監其軍信奚人重進幽州人也詔發邢貝洛澤等州軍儲赴太原著作佐郎張潤之掌其出納

辛卯命雲州觀察使郭進為太原石嶺關都部署西上
閣門使田仁朗閣門祗候供奉官劉緒按行太原城四
面壕寨閱視攻城梯衝器用

癸巳以樞密直學士石熙載簽署院事仍賜宅一區簽
署樞密院事自熙載始

乙未宴潘美等於長春殿上親授方畧以遣之時劉鋹
及淮海王倅武寧節度使陳洪進等皆與鋹因言朝廷
威靈及遠四方僭竊之主今日盡在坐中旦夕平太原

劉繼元又至臣率先來朝願得執梃為諸國降王長上
大笑賞賜甚厚銀詎詣類此

丁酉命河北轉運使侯陟與陝北路轉運使雷德驤
分掌太原東西路轉運事

壬寅詔發齊汝蔡等州軍糧赴太原

癸卯新渾儀成司天監學生巴中張思訓所創也置文明
殿東南之鐘鼓樓以思訓為渾儀丞舊制日月晝夜行度
皆人所運轉新創成於自然尤為精妙 詔發曹單滑濰

濱淄青鄆同耀華等州京兆河南大名府軍儲赴太原
己酉命左屯衛大將軍張鐸為京城內外都巡檢車駕
將北征也 詔以同判刑部司門員外郎江直木大理
正路承緒讞獄之勤賜錢各二十萬

二月辛亥詔以此月內暫幸鎮州

甲寅以皇子德恭為貴州防禦使齊王廷美之長子也

祠部郎中劉保勲為行在轉運使右補闕高繼申副之起
居舍人張去華專掌行在左藏庫繼申尋改留守判官

丙辰命宰相沈倫為東京留守兼判開封府事宣徽北院使王仁瞻為大內都部署樞密承旨陳從信副之上欲以齊王廷美掌留務開封府判官呂端言於廷美曰主上櫛風沐雨以申弔伐王地處親賢當表率扈從若掌留務非所宜也廷美由是請行

癸亥賜扈從近臣鞍馬衣服金玉帶有差

甲子車駕發京師

戊辰次澶州方渡河有持手版衣綠邀車駕者前驅斥

之不退號呼道旁自言獻封事上令取視乃臨河主簿

宋捷上甚喜即以為將作監丞

裴誦聞評云宋捷之事
真所謂以姓名而盜爵

祿者也然載之談苑乃云太平興國中北敵侵邊太宗
遂幸大名府方渡河有人持手版衣綠邏秉輿前驅斥
之號呼道旁自言獻封事太宗全接取視之乃臨河主
簿宋捷太宗甚喜即以為將作監丞載之事實又云太
宗征太原行次澶淵有太僕寺丞宋捷者拿出納行在
軍儲迎謁道左太宗見其姓名喜曰我師有必捷之兆
而劉繼元果降此二書所載各不同未知其孰是也

己巳次德清軍命行在轉運使劉保勲兼勾當北面轉
運使事遣均州刺史臨沼解暉尚食使折彥贊攻隆州

解暉傳作石彥贊按折彥贊十一月庚辰復見暉傳誤也三月一日又命尹勲攻隆州

庚午次大名府

壬申次洺州

癸酉郭進自石嶺關來朝于中路頓

甲戌次邢州 以唐州團練使曹光實知威勝軍事令調軍食光實入告願提一旅之衆奮銳先登上曰資糧事大亦足宣力也

丙子以潞州都監陳欽祚知威勝軍

實錄於丙子書命威勝軍使米文睿

赴太原錄曹翰麾下以潞州兵馬都監陳欽祚知威勝軍而曹光實本傳乃云車駕征河東以光實知威勝軍與實錄不同然米文睿陳欽祚二人皆無可載因取光實事附見于此或因光實辭遂改命欽祚也當考

契丹遣使尚書耶律伊埒摩哩奉書問起居丁丑見于

臨城縣

三月庚辰朔駐蹕于鎮州命郢州刺史尹勲攻隆州隆非古州北漢人依險築城以拒王師故先分兵圍之二

己巳先命解畔
折彥齋攻隆州

辛巳命鎮州馬步都監客省副使齊延琛洛苑副使侯

美分兵攻孟縣

癸未石嶺關言陽曲寨民三百三十八口歸附 引進使汾州防禦使田欽祚護石嶺關屯軍與都部署郭進不協賊兵奄至欽祚閉壁自守既去又不追月俸所入芻粟多蓄之以俟善價而規其利為部下所訴詔鞫之欽祚具伏責授睦州團練使仍護軍

丁亥分命太子中允扈華等十二人發安復唐鄧商坊

徐宿兗海密蔡等州軍儲赴太原

見華未

郭進言破北

漢西龍門寨擒獲千餘計獻俘行在

戊子命六宅使侯繼隆攻沁州閭門祇候王僕攻汾州
僕俌弟也

侯繼隆
未見

壬辰復命淄州刺史太原王貴攻沁州 是日宴從官
及諸軍校 遣劉保勲赴太原閱視轉運事

乙未命知府州閑廐使折御卿監軍供奉官晉陽尹憲
分兵攻嵐州 郭進言契丹數萬騎入侵大破之石嶺
關南於是北漢援絕北漢主復遣使間道齎蠻書走契

丹告急進捕得之徇於城下城中氣始奪矣

丙申左飛龍使史業破北漢鷹揚軍斬獲甚多以俘百人來獻

丁酉詔以太原軍前所送降卒五人隸歸明軍人賜錢三千

庚子命通事舍人王侁軍器庫使劉文裕帥師分守石嶺關

癸卯河東城西面轉運使劉保勲為陝西北路轉運使

代雷德驥也德驥調發沁州軍儲後期詔勅德驥命保
勲狀領之

己巳定難留後李繼筠言遣所部銀州刺史李光遠綏
州刺史李光憲帥蕃漢兵卒緣黃河列寨渡河畧敵境
以張軍勢 詔泉州發兵護送陳洪進親屬赴闕所過
州縣續食

丙午命左補闕樂沖馳傳督諸州供軍芻粟北漢人潛
師犯我軍鋒馬軍都指揮使米信擊敗之殺其控鶴指

揮使裴正以首級來獻

裴正事本紀實錄無之今載于三月末上未至城下以前當更

考之

夏四月己酉朔折御卿等言攻嵐州破北漢千餘衆

詔發河南鄆濟博棣澤潞懷汝同華虢等州軍儲赴太

原

庚戌齊延琛等言孟縣降 詔發河中晉絳慈隰解齊

德曹單淄衛等州軍儲赴太原

乙卯折御卿等破岢嵐軍殺戮甚衆禽軍使折令圖以

獻

庚申以樞密直學士簽署院事兵部員外郎石熙載為給事中樞密副使 考功郎中范旻上書願從征太原召為右諫議大夫三司副使判行在三司事

壬戌車駕發鎮州辛太原命定武節度使孟元詰為鎮州駐泊兵馬都鈐轄

癸亥次天威軍作早行詩令從臣和

甲子解暉等攻隆州西頭供奉官袁繼忠武騎軍校許

均先登陷之均中八創殺三百餘衆禽招討使李珣等
六人以獻繼忠前護隰州白壁關屯兵前後入北漢境
破三寨禽偽將校二人得鎧甲鞍馬牛羊生口數萬計
近戍聞之懼無功受譴乃以誠告繼忠悉分虜獲使列
奏焉繼忠太原人均開封人也

丙寅次側口頓作聞捷奏平隆州詩

沂州防禦使張萬友決軍校郭贊致死鞠之具伏上方罷
任武將戊辰詔釋其罪是日折御卿破嵐州殺憲州刺

史霍翊

按宋史本紀作郭翊

禽夔州節度使馬延忠等七人以獻

庚午上至太原駐蹕于汾水之東

辛未幸城四面按視營壘攻具慰勞諸將以手詔諭北漢主繼元傳詔至城下守陴者不敢受

壬申夜漏未盡上幸城西督諸將攻城天武軍校荆嗣率衆先登手刃數賊足貫雙箭中手礮碎齒二上見之亟召下賜以錦袍銀帶嗣罕儒兄孫也先是上選諸軍勇士數百人教以劍舞皆能擲劍於空中躍其身左右

承之見者無不恐懼會契丹遣使脩貢賜宴便殿因出
劍士示之數百人袒裼鼓譟揮刃而入跳擲承接曲盡
其妙契丹使者不敢正視及是巡城必令舞劍士前導
各呈其技北漢人乘城望之破膽上每躬擐甲胄蒙犯
矢石指揮戎旅左右有諫者上曰將士爭効命於鋒鏑
之下朕豈忍坐觀諸軍聞之人百其勇皆冒死先登凡
控弦之士數十萬列陣於乘輿前蹲甲交射矢集太原
城上如蝟毛焉每詔給諸軍箭數百萬必頃刻而盡捕

得生口云北漢主城中市所射之箭以十錢易一隻凡
得百餘萬隻聚而貯之上笑曰此箭為我蓄也及城降
盡得之

田欽祚在石嶺關恣為姦利諸不法事郭進不能禁止
屢形於言欽祚憾之進武人剛烈戰功高欽祚數加陵
侮進不能堪癸酉遂縊而死欽祚以卒中風眩聞上悼
惜良久優詔贈安國節度使左右皆知而無敢言者命
冀州刺史牛思進為石嶺關部署思進無極人也有膂

力常以強弓弦於耳引手極前張之令滿又負壁立二
力士撮其乳曳之不動軍中咸異焉

甲戌辛諸寨

乙亥辛連城視攻城諸洞時李漢瓊率衆先登矢集其
腦又中指傷甚猶力疾上促召至幄殿視其創傅以良
藥上欲親辛洞屋中勞士卒漢瓊泣曰晉陽孤壘危若
累卵諸將用命戰士賈勇矢石注洞屋如雨陛下奈何
以萬乘之尊親徃臨之若不聽臣請先死上乃止

丁丑辛酉連城樓

五月己卯朔辛城西南隅夜督諸將急攻遲明陷羊馬城北漢宣徽使范超來降攻城者疑超出戰禽之以獻斬於纛下既而北漢主盡殺超妻子梟其首投於城外辛巳幸城西北隅北漢馬步軍都指揮使郭萬超來降

萬超來降實錄在
壬午今從本紀

壬午辛城南上謂諸將曰朔日重午當食於城中遂自草詔賜北漢主夜漏上一刻城上有蒼白雲如人狀

九國

志云太宗駕至城下築連堤壅汾河灌城五月四日城東而隅壞水入注夾城中繼元大恐自督衆負土塞之然實錄正史畧不載灌城事當考

癸未幸城南督諸將急攻士奮怒爭乘城不可遏上恐屠其城因麾衆少退城中人猶欲固守左僕射致仕馬峯以病臥家昇入見北漢主流涕以興亡諭之北漢主乃降夜漏下十刻遣客省使李勲上表納欵上喜即命通事舍人入城撫諭夜漏未盡幸城北宴從臣於城臺受其降甲申遲明劉繼元率其官屬素服紗帽待罪臺

下詔釋之召升臺勞問繼元叩頭曰臣自聞車駕親臨
即欲束身歸命致陛下鑾輿暴露尚敢以孤壘拒戰蓋
亡命卒懼死劫臣不得降耳上令籍亡命者至悉斬之
顧謂淮海國王錢俶曰卿能保全一方以歸於我不致
血刃深可喜也北漢平凡得州十軍一縣四十一戶
三萬五千二百二十兵三萬國史云亡命卒數百人選
諸軍與九國志及實錄皆不同今不取
郭守文傳又云
劉繼元弟繼文據代州依契丹以拒命
守文討平之按
九國志則繼文前死矣此蓋守文
墓誌所載國史因之今亦不取

命劉保勲知太原

府

乙酉赦河東管內常赦所不原者並釋之諸州縣偽署職官等並令仍舊人戶兩稅持與給復二年王師所不及處給復一年從前所逋租調並與除放常賦外有無名配率諸州條折以聞 分命常參官八人知忻代等州右贊善大夫臧丙知遼州祕書丞馬汝士知石州其後汝士與監軍不協一夕刺刃於腹而死丙上疏言汝士之死非自殺願按其狀上覽奏驚駭遽遣使鞠之召

丙赴闕問狀丙曰汝士在牧守之任不聞有大罪何至
自殺若寃死不明宿直者又不加譴責則自今書生不
復能治邊郡矣上善其言丙大名人汝士同年生也

丙戌遣使祭戰沒將士等錄其子孫

丁亥詔館劉繼元於行在所優其廩給命儀鸞使康仁
寶監視之

戊子命著作佐郎直史館石熙古還京師以平晉告宗
廟熙古熙載弟也 毀太原舊城改為平晉縣以榆次

縣為并州從僧道士及民高貲者於西京

七年二月
又徙陽曲

劉繼元所署節度使蔚進盧遂以汾州來降

己丑以劉繼元為右衛上將軍彭城郡公繼元所署司空平章事李憚為殿中監左僕射致仕馬峯為少府監馬軍都指揮使郭萬超為磁州團練使客省使李勲為右衛將軍餘悉授官有差 上作平晉賦令從臣皆賦
又作平晉詩二章令從臣和

辛卯宴劉繼元及其官屬繼元獻其宮人百餘人上以

分賜立功將校

乙未遣康仁寶護送繼元親屬赴闕所過續食

丙申辛太原城北御沙河門樓遣使分部徙居民於新

并州盡焚其廬舍民老幼趨城門不及焚死者甚衆

丁酉廢隆州毀其城遣使按行諸州銀冶

庚子車駕發太原詔以行宮為佛寺號平晉上自記之

刻石寺中

辛丑次新并州

丁未次鎮州初攻圍太原累月饋餉且盡軍士罷乏會
劉繼元降人人有希賞意而上將遂伐契丹取幽薊諸
將皆不願行然無敢言者殿前都虞候崔翰獨奏曰此
一事不容再舉乘此破竹之勢取之甚易時不可失也
上悅即命樞密使曹彬議調發屯兵時車載簿籍阻留
在道兵房吏張質潛計數部分軍馬及得簿籍校之悉
無差繆質高唐人也王得臣《麈史》云富鄭公嘗為子言
永熙討河東劉氏既下并州欲領師來勝復收薊門始咨於衆參知政事趙昌言對曰自
此取幽州猶熱焚餅耳殿前都指揮使呼延贊爭曰

書生之言不足盡信此餅難誠永熙竟趙幽薦捲甲而
還卒如贊言鄭公再三歎謂子曰武臣中益亦有人矣
按趙昌言參政在雍熙四年距此凡九年得臣誤甚又
按太平興國四年薛居正沈倫盧多遜為宰相無參知
政事曹彬石熙載則為樞密此言參政亦誤或呼延贊
實有此言亦不可知然呼延贊此時但為鐵騎指揮使
白進超實為殿帥崔翰為殿候所云殿
前都指揮使得臣又誤也姑存此俟考

六月甲寅遣使發京東河北諸州軍儲赴北面行營

庚申車駕北征發鎮州扈從六軍有不即時至者上怒
欲置于法馬步軍都軍頭趙延溥遽進曰陛下巡行邊
陲本以外敵為患今敵未殄滅而誅譴將士若舉後圖

誰為陛下戮力乎上嘉納之延溥晁之子也

辛酉次定州遣使告祀北嶽上作悲陷蕃民詩令從臣

和

丙寅次金臺頓契丹據有之地也慕其民能為鄉導者
百人人賜錢二千遣東西班指揮使浚儀孔守正等先
趣岐溝關守正夜踰短垣過鹿角臨斷橋說關使劉禹
以大軍且至宜開門出降禹解懸橋邀守正入聽命守
正慰撫軍民還詣行在所

丁卯上躬擐甲胄率兵次岐溝關契丹東易州刺史劉

禹以州降留兵千人守之東易州即岐溝關也

按孔守正傳先

入岐溝關說關吏劉禹以城降不稱東易州實錄本紀並稱東易州不云岐溝關其實一也六月乙亥以八作副使綦延朗知東易州而守正傳云詔綦延朗守關城召守正赴行在蓋契丹名岐溝關曰東易州耳劉禹或作劉宇今從守正傳然守正既入岐溝關即還報明日又與傅潛同趣涿州本傳乃云詔綦延朗守關城後守正始赴行在所蓋誤也延朗守關城實六月二十八日上距守正趨涿州凡九日豈守正既破涿州復來守關城至二十八日延朗始代之乎然傳所載亦顛倒失序矣今不取

東西班指揮使衡

水傳潛與孔守正先至涿州擊契丹敗之生擒五百餘

人

戊辰上次涿州判官劉原德以城降命供奉官張懷訓領其兵

己巳次鹽溝頓民有得契丹之馬來獻賜以束帛

庚午遲明次幽州城南駐蹕於寶光寺契丹萬餘衆屯城北上親率兵乘之斬首千餘級餘黨遁去契丹傳及丹聞王師至皆不敢居城中若不敢居城中又何敢攻圍也今止從實錄本紀會要云契

蘭罕率小校李勲等十六人部族三百騎與范陽軍民

二百餘人皆來降召見賜錢帛以達蘭寧為渤海都指揮使

壬申部分諸將攻城定國節度使宋偓南面河陽節度使崔彥進北面彰信節度使劉遇東面定武節度使孟玄喆西面命宣徽南院使潘美知幽州行府事契丹迪里都指揮使李扎勒燉以部下兵百二十五人來降詔索礮具八百期以半月成右龍武將軍頓丘趙延進督工造之八日而畢上親按試甚悅

癸酉移辛城北督諸將攻城幽州神武廳直弁鄉兵四百餘來降村民奪得契丹馬三百餘匹來獻

甲戌命殿中丞楊恭知涿州以劉原德為右贊善大夫通判州事幽州山後八軍窓密務官三人以所受契丹牌印來獻

乙亥命八作副使祁延朗知東易州

祁或作秦

薊縣民百

餘人以牛酒迎犒王師各賜衣服錢帛遣使隨村墅安撫居民

丁丑上乘步輦至城下督諸將攻城幽州諸縣令佐及鄉民百五十人來降

秋七月庚辰契丹建雄節度使順州劉延素與官屬十四人來降

辛巳上復至城下督諸將攻城

壬午契丹知薊州劉守恩與官屬十七人來降

癸未辛城西北隅督諸將攻城初命諸將攻城桂州觀察使曹翰與洮州觀察使米信率兵屯城之東南隅

以備非常軍士掘土得蟹以獻翰謂諸將曰蟹水物而
陸居失其所也且多足敵救將至之象又蟹者解也具
班師乎

甲申上以幽州城踰旬不下士卒疲頓轉輸回遠復恐

契丹來救遂詔班師車駕夕發命諸將整軍徐還

江休復雜

志太宗自并幸幽乘敵無備契丹主方獵遁歸牙帳議
棄燕薊以兵守松亭虎北口而已裕悅時為舍利郎君

契丹國中親近無職事呼為舍利郎君請兵十萬救幽
州並西方薄幽陵人夾持兩炬朝舉兩旗選精騎三萬
夜從他道自官卑南席卷而北又先以弱兵五千守幽
州望風遁去我師過之不得去遂堅守又我師已退或

勸襲之裕悅曰受命救幽薦已得
之矣遂不甚爭到今附見當考

乙酉次涿州

丙戌次金臺驛內供奉官間承翰馳奏大軍不整南嚮
而潰上令殿前都虞候崔翰將衛兵千餘人止之翰請
單騎徑往至則諭以方畧衆遂定反命不戮一人上甚
嘉之承翰真定人也

戊子次定州定難留後李繼筠卒弟繼捧嗣其位

庚寅命崔翰及定武節度使孟玄喆等留屯定州彰德

節度使李漢瓊屯鎮州河陽節度使崔彥進等屯關南
得以便宜從事上謂諸將曰契丹必來侵邊當會兵設
伏夾擊之可大捷也 是日車駕發定州

辛卯次鎮州

丙申次邢州

戊戌次洺州

庚子次大名府

辛丑次德清軍

壬寅次瀘州

乙巳車駕至自范陽 初議伐北漢宰相盧多遜言西蜀遠險多虞若車駕親征當先以腹心重臣鎮撫之則無後憂給事中程羽藩邸舊僚嘗知新都縣及興州興元府有能名上即命知益州及上駐太原鄆縣獲羣盜送府獄已具會有朝旨強盜未再犯免死送闕下蓋用武之際急於壯勇之士也法吏援救以請羽曰人之惡憚於始為姦凶聞是令皆將輕犯亂不可制矣判曰鑾

輅省巡江山遐僻不除凶惡曷靜方隅並付本縣處死
磔於市即論奏其事於是迄羽去無盜賊羽之在新都
州遭牙校至見羽禮慢不數歲羽領州任人為校懼羽
至則擢校統戍守塞蓋其才可任也

此據程珦所作程
羽祠堂記羽知益

州在二年五月今附
見車駕還自范陽後

八月戊申朔契丹蘇括等二十八人來降賜以衣服錢
帛配隸契丹直

守中書令西京留守石守信從征范陽督前軍失律壬子

責授崇信節度使兼中書令 將作監段思恭責授少府
少監思恭前知秦州擅借官錢造器用又妄以貢奉為
名賊市狨毛虎皮為馬飾為通判王延範所發延範江
陵人也

甲寅彰信節度使劉遇責授宿州觀察使光州刺史史
珪責授武定行軍司馬皆坐從征范陽所部兵逗撓失
律故也劉遇史珪傳載失律事亦不詳
恐國史或有所避忌更須參考

初劉繼業為繼元捍太原城甚驍勇及繼元降繼業猶

據城苦戰上素知其勇欲生致之令中使諭繼元俾招

繼業繼元遣所親信往繼業乃北面再拜大慟釋甲來

見上喜慰撫之甚厚復姓楊氏止名業尋授左領軍衛

大將軍丁巳以業為鄭州防禦使

據國史楊業傳乃云孤壘甚危業勸其主

出降以保生聚繼元既降上遣中使召業得之喜甚以為領軍大將軍師還乃除鄭州防禦使制辭云百戰盡力一心無渝疾風靡搖迅雷罔變知金湯之不保慮玉石之俱焚定策乞降委質請命忠於所事善自為謀與九國志大不同按五代史垂涕勸繼元出降者但馬峯一人耳非楊業也若業勸降則當與繼元俱出見何用別遣中使召乎然當時制辭不應便失事實又疑制辭意有所在故特云爾今但從九國志更須考之

癸亥命潘美為河東三交口都部署以捍契丹

辛未辰州言民宋再均等六輩誘致生口闢出邊關賣與溪州蠻取其直詔令杖脊黥面檻車送闕下自今敢違者並令本處杖殺所在督疆吏謹捕之

甲戌宋州言河決宋城縣詔發諸縣丁男三千五百人塞之命八作使郝守濬護其役初武功郡王德昭從征幽州軍中嘗夜驚不知上所在或有謀立王者會知上處乃止上微聞其事不悅乃歸以北征不利久不行

太原之賞議者皆謂不可於是德昭乘間入言上大怒
曰待汝自為之賞未晚也德昭惶恐還宮謂左右曰帶
刀乎左右辭以宮中不敢帶德昭因入茶酒閣拒戶取
割果刀自刎上聞之驚悔徃抱其尸大哭曰癡兒何至
此耶追封魏王謚曰懿此據司馬光記聞本傳云德昭好啖肥猪肉因而遇疾不起今

不取

而于邱部川首領牟昂諸族鬼主副使離鞬等各以方
物來貢

是月以贊善大夫韋亶等十五人為諸鎮節度判官。亶等太平興國初擢第，即隨判諸州。至是受代還朝，上以兩使判官得資者尤鮮，故多闕員，乃以亶等為之。且令繫歷觀其佐治之才也。秩滿並復以通籍處焉。作太

清樓

九月己卯衛州言河決汲縣

辛巳詔忻、嵐、憲三州緣邊諸寨無得縱軍士入蕃界劫掠。若須酬殺者當俟宣命。

乙酉命內衣庫使張紹勣南作坊副使李神祐等率兵

屯定州

初劉繼元降之明日左拾遺大名宋白獻平晉頌上夜召至行宮褒慰且曰俟還京授爾書命之職丙戌與右

補闕郭贊並為中書舍人

宋朝要錄李昉扈蒙李穆等皆遷官賞危蹕之勞也

戊子詔改京城內外二十五門名

丁亥初置皇子侍讀以左贊善大夫楊可法為之仍賜

五品服帶銀勒馬銀五百兩錢五十萬尋遷右補闕仍

侍讀

庚寅戶部郎中侯陟為諫議大夫權御史中丞權中丞始此

癸巳嘉州言夾江縣弱鴻鎮民王詣得黑石二皆有丹文其一云君王萬萬歲其一云趙二十一帝緘其石來獻

丙申詔曰先是禁銅錢不得入劍南界宜除之自今兩川民許雜用銅鐵錢即不得出他境緣邊戒吏謹視之

犯者論如法 代州言契丹安慶府主安海進來求內
附以蠟書賜之

己亥幸建隆觀遂幸新城西南隅觀迪里軍人射強弩
庚子荆湖南路轉運司言十洞首領楊蘊求內附
癸卯山後兩林蠻王歸化大將軍勿兒遣其王子祚遇
以名馬來貢

丙午右拾遺李瀚責授右贊善大夫瀚前知雄州會范
陽班師軍士逃走投州城瀚閉關不納因擾亂劫掠居

民潰而為賊故有是命先是江南兩浙諸州以絹計
賊絹價二疋當江北之一詔自今宜以千錢為絹一疋
論罪

契丹大入侵鎮州都鈴轄雲州觀察使浚儀劉延翰帥
衆禦之先陣於徐河崔彥進潛師出黑蘆堤北緣長城
口銜枚躡後李漢瓊及崔翰亦領兵繼至先是上以陣
圖授諸將俾分為八陣大軍次滿城敵騎坌至右龍武
將軍趙延進乘高望之東西亘野不見其尾翰等方按

圖布陣陣相去百步士衆疑懼畧無鬪志延進謂翰等曰主上委吾等邊事蓋期於克敵爾今敵騎若此而我師星布其勢懸絕彼若乘我將何以濟不如合而擊之可以決勝違令而獲利不猶愈于辱國乎翰等曰萬一不捷則若之何延進曰倘有喪敗延進獨當其責翰等猶以擅改詔旨為疑鎮州監軍六宅使李繼隆曰兵貴適變安可以預料為定違詔之罪繼隆請獨當之翰等意始決於是分為二陣前後相副士衆皆喜三戰大破

之敵衆崩潰悉走西山投坑谷中死者不可勝計追奔至遂城斬首萬餘級獲馬千餘疋生禽酋長三人俘老幼三萬口及兵器車帳羊畜甚衆冬十月庚午捷書聞手詔褒之

乙亥齊王廷美進封泰王宰相薛居正加司空沈倫加左僕射盧多遜兼兵部尚書樞密使曹彬兼侍中文武官預平太原者皆遷秩有差初行賞功之典也此據實錄而田

錫於六年九月上章猶云平晉之功未賞不知何也當考宋朝要錄昭輔檢校太尉熙載遷刑部侍郎潘美檢

校太尉王仁瞻檢校太傅崔翰劉延翰米信田重進以觀察使為節度使初行平晉之賞也

馬單

都虞候保順節度使米信親族多在塞外時兄之子金自朔州挺身來歸上召見厚加慰撫遣金乘傳詣代州伺間迎致其親屬發勁卒護送之既而金宿留踰年敵境斥候嚴終不能得信慷慨曰我聞忠孝不兩立受恩遇至重方思殺身報國安能復顧親戚哉北望號慟以訣戒子姪勿復為言

十一月丁丑朔賜緣邊戍卒襦袴

庚辰代州言契丹於代州鴈門西涇護國南川置寨折

彥贊與都監董思愿劉緒巡檢侯美追擊大破之獲鞍

馬器仗甚衆

此據會要乃十一月四日
事折彥贊已見二月己巳

丙戌詔以明法科於諸書中所業非廣遂廢之學究併
通三經諒難精至乃分為三科仍兼習法令又詔進士
及諸科引試日並以律文疏卷問義

己丑辛玉津園遂畋近郊

辛卯以建州邵武縣為邵武軍

上以鄭州防禦使楊業老於邊事洞曉敵情發已命業
知代州兼三交駐泊兵馬部署上密封囊裝賜予甚厚
己亥以河北轉運使高繼申為河北南路都轉運使起
居郎郭泌為御河至關南水路轉運使鴻臚寺丞王在
田為陸路轉運判官著作佐郎崔邁為水路轉運判官
按樊知古傳云都轉運使之名自知古始事在端拱元
年十月據實錄則高繼申於太平興國四年十一月已
為之必有一誤姑存以俟細考會要云太平興國初分
河北南路雍熙中又分為東西後併馬分為南路或自
此始當詳

嵐州言三交口破契丹千餘衆

辛丑忻州言破契丹數千衆斬首四十五級獲鞍馬鎧
甲并生禽十六人以獻 關南又言破契丹數萬衆斬
首萬餘級獲橐駝五十三頭詔分給軍校

初西南夷不供朝貢寇鈔邊境刑部郎中許仲宣為西
川轉運使親至大渡河諭其逆順示以威福夷人皆率
服在職踰三歲會有言仲宣當江表用兵時乾沒官錢
者是月召還令御史臺盡索財計薄鉤校歲餘卒無欺
隱乃以仲宣為嶺南轉運使仲宣有心計能辦大事江

表用兵軍中須索百端仲宣皆豫儲蓄無闕曹彬怪之
夜攻城因取陶器數萬事分給攻城卒然燈自照仲宣
已豫料置如其數付之它物類此先是詔中使趙守
倫優給價和市在京及諸州民間私馬於是得十七萬
三千五百七十九匹本志載市馬事在興國四年按正
月即出師恐在四年以前矣實錄
別本載趙守倫市馬數在四年十一月乙巳前今
因之蓋市馬前此事及此乃上其所得之數也

十二月丁未朔占城國遣使來貢方物拓拔首領日
榮遣所部酋長拓拔琳沁十六府大首領囉朗吹裕勒遣

所部蕃官結舒等並來貢 以右贊善大夫鉅野夏侯
嶠等十五人並為殿中丞皆嘗於太原范陽督飛輓之
役賞其勞故也

開寶中禁民賣假茶一斤杖一百二十斤以上棄市已
未詔自今準律以行濫論罪

庚申詔自今登州有女真貢馬其隨行物色仰給牒所
在勘驗牒外物並沒入之從供奉官盧襲奏也

丁卯畋近郊 詔改司寇參軍以司寇院為司理院令

於選部中選歷任清白能折獄辦訟者為之秩滿免選

赴集又置判官一員委諸州於牙校中擇有幹局曉法

律高貲者為之給以月俸如舊馬步判官之例秩滿上

其殿最以定黜陟有踰濫者坐長吏而下司理判官連坐別本實錄

在六年十月庚午今從本志并書之尋又詔諸州察司理參軍有不明推

鞫致刑獄淹滯具名以聞蔽匿不舉者罪之雍熙二年八月庚辰

詔或即此
也更詳之

是歲命有司取國初以來勅條纂為太平興國編敕十

五卷行于世 曹鄆淄三州水蠲其租太平州飢賑之
改市買司為雜買務 先是內庭宣索及殿前賜賚

移文庫務未有專領其事者於是始置合同憑由印命

左藏庫副使劉蒙正供奉官郭延濬同掌焉蒙正熙古

之子延濬傳謂之子也

延濬傳云太平興國初按熙古傳太平興國四年熙古轉內藏

庫副使因附見此年未

契丹主明記改元曰乾亨

